

gel/ zwey Schnürlin angebunden (.darmit man sie darben halten könne.) her-
 nach wie in der andern Specie, bey dem zehenden Satz gedacht/in Bech/mit
 Vermischung ein wenig Schweinen Schmalz/damits nit zu sprissig werde/
 vnd also mit dem gemeinen Tauff/ die ganze Kugel über vnd über / wol ge-
 taufft/ so ist sie fertig. Zum gebrauch aber/ so wird das Zündloch. m. eröffnet/
 mit weissem trucknem Zeug eingeraubt/ Feur gegeben / vnd auß der Hand
 von sich geworffen/ (.eben dise Kugel kan man fürnemlich auch auß den Pö-
 lern werffen/wie hernach bey werffung der Pölerkuglen/ solle angezeigt wer-
 den.) wann nunder Brand auff die Schläg. o. kompt/ so gehens loß/ in glei-
 chem/vnd so er weiter hinunder breñt/ so gehn die Schläg. P. vnd. S. auch ab/
 die machen ein grosse confusion vnder den stürmenden / wanns aber zur
 Kurzweil sollen gebraucht / so mögen die bleyern Kugel wol herauß gelas-
 sen / vnd andero statt mit Viechtlinkugelin geladen werden/ welche dann im
 herauß schiessen gar schönen kurzweiligen effectū machen / dise Kugel wigt
 14. Pfund / vnd macht ein ansehnliche operation, anjeko/ vnd auff solche
 weiß/ kan man nach belieben auch vil grössere dergleichen Brandkuglen zu-
 bereiten / da dann hierben anders nichts zu thun/ als den Zwilchen Sack zu
 ergrösseren/vnd den darein gehörigen Satz/zwey/drey/vier/oder noch mehr
 mahl/im Gewicht zu vermehren. Wolte man aber gegen dem Erbfeind den
 Türcken vñ auf die Galeen/bey den Schiffahrten vmb etwas grössere/auch
 gar geschwind effectum machende/ Brandkuglen haben / so mag zum ein-
 füllen derselben zwilchene Sackkuglen/ hernach folgender truckene Zeug ge-
 11. pf. gestossen geschmelzter Salpeter) (nomē/vñ also præparirt werde.
 2 $\frac{2}{3}$ pfund Schwefel } mit einander abgeriben.
 6. pfund gestossen Pürschpulffer/auch darein gearbeit/alsdann
 2 $\frac{2}{3}$ pf. hart gereden Seegmehl mit den flachen Händen darunder geriben /
 diser Zeug wird hart in den Kugelsack eingeschlagen/vnd rund gepleuet/ des-
 ser Diametro von einer dergleichen Meerkugel war .13. Zoll/darzu so wird
 20 $\frac{1}{2}$ pfund Zeug gebraucht / vnd thete ich in jede solche Kugel .81. Eiserne
 Schläg/ jeder derselben aber / wurde mit .2. bleyern Kuglen geladen / hinein
 treiben/ zu vnterst auf dem Boden des Sacks/ lage ein hol gegossene metalli-
 ne Granat Kugel/ welche mit ganzem Pulffer eingefüllt gewesen / alsdann
 vorangedeuter massen gebunden/ vnd getaufft/ Als nun jetztberürte Brand-
 oder SturmKugel ganz fertig gewesen ist/ so hat sie .48. pfund/ vnd also na-
 hend/ ein halben Centner gewogen / Ihr Waid: oder Zündloch war .1 $\frac{1}{2}$. Zoll
 im Diametro, weit / zum gebrauch wurde sie auf der Galeen an die Ante-
 næ oder Segelstangen angehenckt / vnd also gelaitet / daß sie nach Anfeu-
 rung (. durch Abschneidung eines Sails.) in der Erbfeinde Caramuzal
 (. wie aber dergleichen Caramuzalen beschaffen seynd / das ist in meiner ge-
 truckten Architectura Nauali, vnd daselbsten bey dem Kupferblatt N°.17.
 eigentlich zu sehen.) fallen / vnd also ihren effectum daselbsten zu verrich-
 ten verordnet worden/ Dann / vnd von wegen ihres röschen geschwinden